


Maono

Ya Mheshimiwa Rais

TOLEO LA KWANZA: Siku 100 za Mhe. Dkt. Samia Suluhu Hassan, Rais wa Jamhuri ya Muungano wa Tanzania

Machi, 2026



#KaziNaUtuTunasongaMbele

© TSN



OFISI YA MWANASHERIA MKUU WA SERIKALI

Ofisi ya Mwanasheria Mkuu wa Serikali inavyosogeza huduma za kisheria karibu zaidi na wananchi

Na Leila Muhaji, Dodoma

Ofisi ya Mwanasheria Mkuu imetajwa katika Katiba ya Jamhuri ya Muungano wa Tanzania ya Mwaka 1977 Ibara ya 59 (1).

Jukumu kubwa la Ofisi ya Mwanasheria Mkuu wa Serikali ni kuishauri Serikali katika masuala yote ya kisheria ndani na nje ya nchi katika maeneo ya ushauri wa sheria, upekuzi na uchambuzi wa mikataba mbalimbali ya kiuwekezaji na uandishi na ufaisiri wa sheria.

Aidha, Ofisi ya Mwanasheria Mkuu wa Serikali inawakilisha serikali kitaifa, kikanda na kimataifa katika masuala yenye maslahi kwa taifa kama yaliyooneshwa katika Ibara ya 59 (3) ya Katiba ya Jamhuri ya Muungano wa Tanzania ya Mwaka 1977 na yanaainishwa katika Sheria ya Utekezaji wa Majukumu ya Ofisi ya Mwanasheria Mkuu wa Serikali, Sura ya 268.

Miongoni mwa majukumu hayo ni kuishauri serikali kuhusu masuala yote ya kisheria ikiwamo mikataba ya kimataifa ambayo Tanzania ni sehemu ya mkataba ama ina maslahi katika mikataba hiyo.

Aidha, kutoa ushauri kwa wizara, idara zinazojitegemea na taasisi za serikali kuhusu mchakato wa utungwaji wa sheria na masuala mengine yahusuyo sheria, na kutoa ushauri stahiki wa sheria zilizotungwa na Bunge, sheria ndogo na maazimio mbalimbali pamoja na kuandaa miswada ya sheria kwa ajili ya kuwasilishwa bungeni.

Majukumu mengine ni kuandaa hati zote za kisheria na maazimio kwa ajili ya kuidhinishwa na Bunge, kushauri na kudumisha uhusiano kati ya Ofisi ya Waki Mkuu wa Serikali na Ofisi ya Taifa ya Mashtaka ili kuleta ufanisi kuhusu suala lolote lililopo mahakamani na katika mabaraza.

Lingine ni kupokea taarifa kutoka kwa Waki Mkuu wa Serikali na Mkurugenzi wa Mashtaka ili kushauri Serikali, Bunge na Mahakama.

Aidha, kuwasimamia maofisa sheria na mawakili wa serikali wote walioko katika wizara, idara na taasisi za serikali katika kutekeleza majukumu yao ya kisheria.

Katika kipindi chote na hususan katika Siku 100 za kipindi cha pili cha uongozi wa Awamu ya Sita wa Mheshimiwa Dkt. Samia Suluhu Hassan, Rais wa Jamhuri ya Muungano wa Tanzania, Ofisi ya Mwanasheria Mkuu wa Serikali imeendelea kutekeleza majukumu yake kwa ufanisi na weledi, kuhakikisha ofisi inakuwa daraja katika kuisaidia serikali katika eneo hili nyeti la kisheria.

Mwanasheria Mkuu wa Serikali, Mheshimiwa Hamza Johari hivi karibuni akizungumza na vyombo vya habari, amebainisha namna Ofisi ya Mwanasheria Mkuu wa Serikali inavyotekeleza kwa weledi na ubora majukumu hayo kikamilifu katika eneo nyeti la kuendesha kliniki za sheria katika mikoa mbalimbali nchini.

Akizungumzia huduma za kliniki za sheria na mchango wake katika kutatua changamoto za wananchi hususan wa kipato cha kawaida na cha chini katika upatikanaji wa haki, Mwanasheria Mkuu wa Serikali anasema ofisi ilibaini kuma changamoto kubwa kwa wananchi wa kawaida hasa walioko wilayani na mikoani katika kuzifikia huduma za kisheria.

Wananchi wamekuwa wakihangaika na hii ni kutokana na gharama za kupeleka mashauri mahakamani kwa kubwa, na hivyo Ofisi ya Mwanasheria Mkuu wa Serikali ikaona umuhimu wa kuwasogelee wananchi katika mikoa na wilaya zao.

"Kwa hivyo tulianzisha kamati za ushauri wa kisheria katika mikoa na wilaya. Baada ya kuanzisha tukaziweka utaratibu au mwongozo wa kisheria wa mwaka 2024 unaolenga kuhakikisha tunasogeza huduma za kisheria hadi ngazi za wilaya na mikoa," anaeleza Mwanasheria Mkuu wa Serikali.

Anasema moja ya nyenzo za utekezaji wa mwongozo huo ilikuwa kuanzisha kliniki za huduma za kisheria, hasa kamati za ushauri za kisheria zinapoundwa, inaenda sambamba na wiki nzima ya utooji wa huduma za kisheria kupitia kliniki katika mikoa au wilaya ili kutoa huduma hizo bure.

Aidha, Mwanasheria Mkuu wa Serikali anaendelea kubainisha kuwa, "Tofauti na utaratibu mwingine wowote, kliniki hizi za kisheria zinatoa huduma za kisheria kwa wananchi, mwananchi yule baada ya kuwasilisha shauri lake, lalamiko lake au jambo lake lolote linalohitaji msadau wa kisheria, tukishampa ule ushauri wa kisheria haushii pale."

Anaongeza: "Tunaendelea naye kumfuatilia kwa sababu tunaweka rekodi kwamba shauri hili lilihusu nini, kama lilihusu ardhini basi tunaliweka katika rekodi zetu, na kutoa ushauri, na pia kuendelea kufuata hata baada ya pale mpaka likafike mwisho na kuhakikisha kuwa suala hilo mwananchi limetuliwa."

Lengo kubwa la kliniki hizi za kisheria ni kusogeza huduma za kisheria kwa wananchi katika ngazi za mikoa na wilaya. Tayari mikoa ya Kilimanjaro, Dodoma, Mwanza, Singida, Manyara, Simiyu na Dar es Salaam imeshafikiwa na wananchi wamejitokeza kwa maalum.

"...Lengo lilikuwa kusogeza huduma karibu na wananchi tukitimizwa maono na matakwa ya Rais wetu Dkt. Samia Suluhu Hassan ambaye amekuwa akisisitiza kusogeza huduma karibu na



Mwanasheria Mkuu wa Serikali, Mhe. Hamza S. Johari akitoa hotuba ya Uzinduzi wa Kamati ya Ushauri wa Kisheria ngazi ya Mkoa na Wilaya na Kliniki ya Sheria bila malipo kwa wananchi wa mkoa wa Singida.



Mwanasheria Mkuu wa Serikali, Mhe. Hamza S. Johari akitoa Hotuba ya Ushauri wa Kisheria kwa Mwananchi wakati wa Kliniki ya Sheria bila malipo mkoani Singida, kushoto ni Mkuu wa Mkoa wa Singida Mhe. Halima Dendego na kulia ni Mkuu wa Wilaya ya Mheshimiwa Godwin Gondwe.



Naibu Mwanasheria Mkuu wa Serikali Mhe. Samwel M. Maneno (kushoto) akimkabidhi Mkuu wa Mkoa wa Dar es Salaam Mhe. Albert Chalamila (kulia) Mwongozo wa uundwaji wa Kamati za Ushauri wa Kisheria za Mikoa na Wilaya, wakati wa uzinduzi wa Kamati za Ushauri wa Kisheria ya Mkoa wa Dar es Salaam.

wananchi, na kuwapa huduma kutoka kwa mawakili wabobezi. "Lengo la pili ni kuwapunguzia gharama wananchi." Ameongeza kuwa, "Huduma hizi tunazitoa bure, kwa hivyo mwananchi anakuja anapata huduma na anaondoka. Kwa hivyo gharama zile tunawaondolea kwa sababu wanakuja kupata huduma," anaeleza Mheshimiwa Johari.

Katika kuhakikisha Ofisi ya Mwanasheria Mkuu wa Serikali inapanua wigo zaidi wa utooji wa huduma za ushauri wa kisheria bila malipo kwa wananchi, hivi karibuni Uzinduzi wa Kamati za Ushauri wa Kisheria na Kliniki za Kisheria zilizinduliwa katika mikoa ya Singida, Manyara na Simiyu ambako wananchi zaidi ya 5,800 walipatiwa elimu ya sheria na kutatuliwa migogoro yao.

Anaitaja kero kubwa iliyojitokeza ni ardhini ambayo imebeba

malalamiko 66.

"Ardhi ni eneo ambalo kama serikali inabidi tuweze kuliangalia vizuri kwa kushauriana na wizara na wadau wengine katika masuala ya ardhini ili kuona tunapunguzaje migogoro hivyo ya ardhini," anaeleza Mheshimiwa Johari.

Mengine yaliyolalamiwa ni mirathi, ndoa na madai. Anabainisha kuwa kwa kushirikiana na wadau kuna umuhimu mkubwa wa kuja na mbinu za kupunguza kero hizo zikiwamo sheria na sera kwa kushirikiana.

Hivi karibuni Ofisi ya Mwanasheria Mkuu wa Serikali kwa kushirikiana na Ofisi ya Mkuu wa Mkoa wa Dar es Salaam imezindua Kamati za Ushauri wa Kisheria na Kliniki ya Sheria bila malipo kwa wananchi wa Mkoa wa Dar es Salaam ambayo ilifanyika katika Vivwanja vya Mnazi Mmoja, ambako kazi hii iliendeshwa kwa nia ya kutoa elimu ya kisheria na kutatua changamoto za kisheria kwa wananchi na kuzipatia ufumbuzi wa kudumu.

Akizungumzia Dira ya Taifa ya Maendeleo 2050 hasa eneo la kisheria, Mheshimiwa Johari anasema Ofisi ya Mwanasheria Mkuu wa Serikali imeshiriki kikamilifu katika utekezaji wa maandalizi ya dira hivyo mpya na hata ile inayomalizika mwaka huu.

Anasema, "Na pale itakapokuwa imepitishwa sasa na kuanza kutumika, basi na sisi tunaanza utekezaji wa kuhakikisha kwamba kule tunakotaka kufika mwaka 2050, tunaweza kufika huko."

Anaongeza: "Kwa sababu kwenye dira tunazungumza kwamba tunataka kuwa na taifa ambalo litakuwa limepunguza umaskini kwa kiasi kikubwa na kuhakikisha uchumi wetu unakuwa na kufikia ngazi ya uchumi wa kati wa juu."

"Sasa lengo hilo ni kubwa, lakini tunaweza tu kufanikiwa kulifikia kama tu tutahakikisha kila mda na kila mshiriki wa maendeleo na uchumi anachukua nafasi yake stahiki na kufanya yale ambayo yanapaswa kuhakikisha sisi tunafika huko tunakotarajia kufika mwaka 2050," anafanua Mwanasheria Mkuu wa Serikali.

Anaeleza kwamba kwa kuwa dhamira ni kubwa hana wasiwasi kuwa nchi itaweza kufika huko, na hivyo Ofisi ya Mwanasheria Mkuu imejipanga kuhakikisha yale yote yanayohusu ili kufika huko 2050, yanafanyika ipasavyo.

"Baada ya kuismoa dira ile kwa kina na kuelelewa jambo la kwanza ambalo Ofisi ya Mwanasheria Mkuu wa Serikali tunatakiwa kuhakikisha tunalitekeleza ni kuhakikisha tunaonisha vizuri sheria tulizonazo na kule tunakotaka kwenda," anaeleza Mwanasheria Mkuu wa Serikali.

Anaongeza: "Ili kufika tunakotaka kwenda, lazima kuwa na 'legal framework' (mpango wa kisheria) kutuwezeshwa kufika kule. Yaani sheria ni kama daraja la kutuvasha upande huu wa 2025 na kutufikisha 2050 upande ulle, hivyo ni lazima tuwe na hilo daraja."

Anasema kwa msingi huo, sheria zote lazima zioane. "Tusipofanya hivyo, tutakuwa tunakwenda 2050, lakini sheria zinatuvuta nyuma."

"Ndio maana tunafanya marekebisho ya sheria; lengo hilo ni ili kunyumbulika na jamii inavyokwenda, unanyumbulika na sekta za kiuchumi zinavyokwenda, unanyumbulika na changamoto mbalimbali zinavyokwenda. Kwa hivyo katika dira hii zimedadaviwa vizuri na jinsi zitakavyokwenda ili kufika 2050," anaeleza Mwanasheria Mkuu wa Serikali.



MAONO YA MHE. RAIS
Toleo la Kwanza:
Siku 100 za Mhe. Rais Samia